

INUIT ATAQATIGIIT INATSIARTUNI



UKA2022/9

26.10.2022

Harald Bianco

**Inatsisartut Ombudsmandiata 2021-mut ukiumoortumik
nalunaarutaata Inat-sisartunit tusaatissatut tiguneqarnissaanik
Inatsisartut aalajangiiffigisassa-tut siunnersuut.**

(Inatsisinut Ataatsimiititaliaq)

Inatsisartut inatsisitigut pisussaaffiliinitsigut Ombudsmandi tassaavoq inatsisiliarine-qartut malillugit Naalakkersuisuni Inatsisartut aalajangersagaannik naapertuuttumik sullisisoqarnersoq. Taamatullu inuit pisortaniit naapertuuttumik illersorneqarnissaat Ombudsmandip saaffiginnittoqarneratigut qulakkeertussaavaa.

Inuit Ataqatigiinniit pingaaruteqarluinnartutut isigaarput, inuttasut piginnaatitaaffii tu-naartaralugu pisortaniit isumannaatsumik sullinneqartarnissaat. Taamatullu pisortat sulianninnik pitsaasumik nukittorsartuarnissaat. Tamakkuninnga suliaqarnermi Om-budsmandip nalunaarusiarisartagai suleriaqqittarnernut sakkussaqqittuupput.

Nalunaarusiap takutippaa ingammik ukiuni kingullerni kommunit suliassanik suliaqar-tarnerat annertuumik unammilligassaqartartoq. Tamanna innuttaasut pitsaaneruseqarsumik sullinneqartariaqaraluarnernannik takussutissiivoq. Tunngavilersuummik 2021-mi meeqqanut inisiisarnerni, ilaatigut misissuisariaqalermik kingunilik assersuutitut taane-qarsinnaasut ilagivaat.

INUIT ATAQATIGIIT INATSIARTUNI



Ilaatigut taaneqarluni, innuttaasut taperserneqartannginnerat kommunit allakkatigut tunngavilersuinissamik naammassinnginnittarnerannik peqquteqartoq. Tamanna ilungersunaartuuvoq naapertuuttumik innuttaasut sullinneqartarnis-saat eqqarsaatigalugu.

Kommunit naammaginangitsumik inatsisit malillugit innutaasunut sullissinerat unam-milligassaavoq annertoq, ulloq-manna tikillugu pitsanngoriartutut isikkoqanngimmat. Soorunami pisuutitsiniartoqarnissaa orniginanngikkaluartoq, kisianni pissutsit takutip-paat qanoriliuuseqartariaqavissortoq. Inuit Ataqatigiinniit isumaqarpugut pisortaniit sul-lissisut, innuttaasullu aalajangersakkanik, inatsisinik minnerungitsumilli inuit pisinnaati-taaffiik annertunerujussuarmik ilisimasaqanerusariaqartut.

Inatsisinik aalajangersakkanillu sullissisut innuttaasullu ilisimasarinerusariaqarnerat Ombudsmandimut pulaarnitsinni eqqartukkata ilagivaat. Omabudsmandip tamanna ilisi-maarilluaraa paasivarput, sinerissamummi angalasarnerni Ombudsmandip sullissisunut pikkorissaalaartarneq ilaatigut ingerlattarsimagaa paasivarput, innuttasut eqqortumik sullinneqartarnissaat anguniarlugu.

2020-mi Ombudsmandip nalunaarusiaa Inatsisartuni sammigatigu; (Inatsiartuni tusaatissatut tigullugu sammisartagarput) assut ernumanartoqartoq paasivarput.

Innutaasut pisortanit sullinneqarnermikkut tatiginnissinnaanerigaluat annikilliertortutut taaneqartoq ajortikkiartuinnassanngippat iliuuseqartariaqavissortoqartoq paasinarmat.

INUIT ATAQATIGIIT INATSIARTUNI



2021-mi nalunaarusiami sammineqartut amerlasuut
oqaseqarfigerusunnarsinnaaga-luortut, taamaattoq Ombudsmandip
nalunaarusiamini naggataatigut tikitaa tassalu; ()"Pisortat ingerlatsivianni
annertunersumik kukkussuteqartoqarsimanissaa imaluunniit
sumiginnaasoqarsimanissaa ilimagisariaqartoq Ombudsmandip suliamik
misissuinerata takutippaa". () Tamanna Inuit Ataqatigiinniit annertuumik
ernumanartutut isigaarput.

Innuttaasut pisortaniit eqqunngitsumik sullinneqartarnerminni
Ombudsmandimut anngut-tagai ukiut tamaasa amerliartuinnartut (aamma
ukioq 2021) takuneqarsinnaasut takutippaat iliuuseqartoqartariaqavissortoq.
Taamaattumik Inuit Ataqatigiinniit isuma-qarpugut, aqqutissaassappat;
inatsisiliortut Naalakkersuisullu kommunit sullissineran-ni inatsisit
toqqammavigineqartut ilumut kommuninut artukkiutaannginnersut misis-
soqqittariaqaraat inassutigerusunnarpoq.

Naggataagut, ukiorpanni Ombudsmanderput ukiumi nutaami aallartittussami
soraarnin-ngortussaq, Inuit Ataqatigiinniit sulilluarsimaneranut
sullissilluarsimaneranullu uum-mammik pisumik qutsavigaarput, siunissamilu
ajunnginnerpaamik kissaallugu.

Inuit Ataqatigiinnit taamatut oqaseqarluta nalunaarusiaq tusaatissatut
tiguarput.